

Comment. In Daniele

- nantiatum. Vnde esse in terra idē est quod
Pfal. 84. esse inter homines: vt Psalmo 84. Prope ti-
 mentes eum salutare ipsius: vt inhabitet
 gloria in terra nostra. Hoc est, præsto erit
 remedium Dei timentibus illud, in prom-
 tu erit eius auxilium iis, qui numen eius
 sanctissimum venerunt: vt habitet Chris-
 tus in terra nostra: hoc est inter homi-
 nes: seque videndum mortalibus præbeat.
Ioan. 1. Id quod diuus Ioānes his verbis testatur:
 Et verbum caro factum est, & habitauit
 in nobis. Sed est terra his, & aliis locis
 pro homine accipitur, hoc tamen apud
 Danielem pro terra sumitur elementari:
Gene. 1. de qua Genesis primo dictum est: Voca-
 uit Deus aridam terram. Nam paulo post
 inuitat homines ad Dei laudes canendas,
 cum ait: Benedicite filii hominum domi-
 no. Itaque terra ad Dei præconium inui-
 tatur: vt Psalmo 95. Cantate domino om-
 nis terra.
 ¶ **Benedicite maria.** In plurali: quia iux-
 ta Hebraicæ linguæ proprietatem quælibet
 aquarum congregatio mare appellatur,
Gene. 1. iuxta id quod capite Genesis primo
 Moses scriptum reliquit: Congregationes
 aquarum vocauit maria. Ex quo effectum
 est, vt lacus ille, quem diuus Lucas capite
Luc. 5. quinto vocat Regnum Genesaret, vocet
 diuus Mattheus capite quarto mare Gali-
Mat. 4. læ. De lacu illo ait ita scriptura Numero-
Nu. 13. rum tertio decimo: Chanaanæus moraba-
 tur iuxta mare. Mare Mediterraneum vo-
 catur magnum mare capite trigesimo-
Nu. 34. quarto Numerorum. Mare autem Oce-
 anum dicitur mare maximum: quod variis
 nominibus appellatur, prout diuersas ter-
 ras ac oras attingit: & alluit: Atlanticum,
 Aethiopicum, Arabicum, Persicum, Indi-
 cum. Accipitur mare pro acerba clami-
Pfal. 68. tate: vt Psalmo sexagesimo octauo: Veni in
 altitudinem maris, & tempestas demersit
 me. Vel vt verti etiam potest, & fluctus
Pfal. 87. obruit me. Et Psalmo 87. Super me confir-
 matus est furor tuus, & omnes fluctus
 tuos induxisti super me. Horribili ærum-
 narum procella iactatus diuinus vates vo-
 luit per mare & fluctus vim ac magnitu-
 dine periculorum, in quibus versabatur,
 significare. Sed ad Deum confugit, quem

esse iratum videt: & in rerum humanarū
 desperatione non desperat, sed in eo figit
 spem, quem etsi sibi censet inimicum, cre-
 dit tamen esse misericordem. Accipitur
 etiam mare pro homine improbo turbu-
 lentis flagitijs concitato: iuxta illud Eisaie
17. Impii autem quasi mare feruēs, quod
 quiescere non potest. Cū enim mare
 moueatur à luna, quæ mobilis & instabi-
 lis est, nunquam quiescens, consequens
 est, vt ipsum nullam habeat firmitudinē,
 nullam quietem. Eodem modo homo sce-
 leratus cū mundum sequatur, qui sem-
 p mouetur, & veluti impulsu agitur, ac
 perpetua inconstancia inuertitur, ipse vt
 ex perpicua consicitur consecutione, nō
 erit quietus, nec stabilis, nec firmus, sed
 varius, inconstans, & in perpetua volubili-
 tate & perturbatione versatus. Nulla tran-
 quilla mente consistet, nulla animi securi-
 tate vitam traducet. Et quem admodum
 mare aquis fluminum nō redunda, quia
 vt ait Ecclesiastes capite primo: ad locum
 vnde exeunt flumina, reuertuntur: & quia
 à sole & vento exhauriuntur, & siccatur:
 sic flagitiosus homo nuquam diuitijs im-
 pletur, quia cum sint à mundo, ad ipsum
 redeunt: & quia eas consumit sol super-
 bix, & ventus vanitatis. Ac vt aquæ
 postquam sunt in mari non solū non
 sedant sitim, verum etiam augent: ita
 mūdi opes ab homine cupiditatis ac au-
 ritix stimulis concitato possessæ tantum
 abest, vt sui desiderium extinguant, vt
 etiam augeant.

¶ **Benedicite cete, & omnia que mouen-
 tur in aquis.** Cete sunt pisces ingenijs
 magnitudinis: de quibus ait scriptura ca-
 pite primo Genesis: Creauitque Deus ce-
 te grandia: Locum illum explanans Basi-
 lius: Hi pisces, inquit, cū ad summa
 maris efferuntur, insularum sæpenu-
 mero sensu conspiciuntur præstant. Ma-
 gni pisces dracones in Psalmo 148. dicitur,
 qui cum omnibus alijs Deum lauda-
 re iubentur.

¶ **Benedicite omnes volucres cæli.** Cōsue-
 tudo est scripturæ, vt inquit Damascenus
 libro secundo, per cælum aerem significa-
 re. Vnde volucres cæli idem est quod
 aëris

Esaie 57.

Simile.

Simile.

Eccle. 1.

Simile.

Gene. 1.
Basilii.

Ps. 148.

Damas.